

**Uunga siunnersuut: Inatsisartut inatsisaat siusinaartumik pensionisiaqartitsisarneq
pillugu Inatsisartut inatsisaata allanngortinneqarnera pillugu
Isumaginninnermut, Suliffeqarnermut Nunamullu Namminermut Naalakkersuisumit
saqqummiunneqartoq**

pillugu

Ilaqutariinnermut Peqqissutsimullu Ataatsimiititaliap

Siunnersuutip aappassaaneerneqarneranut

ISUMALIUTISSISSIONTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Mala Høy Kuko, Siumut, siulittaasoq
 Inatsisartunut ilaasortaq Anna Wangenheim, Demokraatit, siulittaasup tullia
 Inatsisartunut ilaasortaq Hans Peter Poulsen, Siumut
 Inatsisartunut ilaasortaq Dines Mikaelsen, Siumut
 Inatsisartunut ilaasortaq Mikivuk Thomassen, Inuit Ataqatigiit
 Inatsisartunut ilaasortaq Eqaluk Høegh, Inuit Ataqatigiit
 Inatsisartunut ilaasortaq Paneeraq Olsen, Naleraq

UKA2022-imi ulloq oktobcrip tallimaani 2022-imi siullermeerinerup kingorna siunnersuut ataaatsimiititaliap misissorpa.

Siunnersuutip imarisaa siunertaalu

Inatsisartut upernaakkut 2022-imi ataatsimiinnerminni akuersissutigaat, Inatsisartut inatsisaat nr. 9, 20. juni 2022-imeersoq, siusinaartumik pensionisiaqartitsisarneq pillugu Inatsisartut inatsisaata allanngortinneqarnissa aamma siusinaartumik pensionisiat pillugit Inatsisartut inatsisaat (tunngaviusumik utoqqalinersiat qaffanneqarnissaat, siusinaartumik pensionisialinnut tunniunneqartartut qaffasinnerpaat qaffanneqarnissaat aammalu aningaasat ilanngaataasussaanngitsut qaffanneqarnissaat).

2022-imut aningaasanut inatsimmi akit assigiinngitsut qaffanneqarnissaannut aammalu aningaasat ilanngaataasussaanngitsut qaffanneqarnissaannut aningaasanik amerlanerusunik

immikkoortitsisoqarnissaanut inatsisisstatut siunnersummik suliaqartoqarpoq. Aningaasanik ilanngaataasussaanngitsunik qaffaasimaneq kukkunikku aalajangersakkani allani kinguneqartitsisoqarsimannilaq. Siusinaartumik pensionisiat pillugit inatsisip ilusiligaanerata iluarsiivigineqarnissaa taamaalluni siunertarineqartutut allannguutissatut inatsimmi siunertarineqartumut naapertuuttunngortinneqarnissaata qulakkeerneqarnissaa inatsisisstatut siunnersuutigineqartumi matumani siunertarineqarpoq.

Siunnersuutip Inatsisartunit siullermeerneqarnera

Partiit tamarmik ataatsimut isigalugu siunnersuutigineqartoq pitsaasutut isumaqarfistaat, taamaattoq siusinaartumik pensionisiat annertussusaasa ilanngaateqartinneqartarnerat isertitaminnik ilanngaateqartitsisarnermi malittarisassanik innuttaasunit isertuussisoqartarsinnaaneranut tunngatillugu ernumassuteqartoqarpoq. Soorluttaaq tamatumunngaa atatillugu allannguutissatut siunnersuutigineqartunut, ilutigitillugu allannguutissatut siunnersuuteqarnermi siusinaartumik pensionisiat allallu pisortat tapiissutaat pillugit inatsimmi allannguuteqartitsinissaq tulluarsaasoqarnissaalu naalakkersuinikkut suliallit ilaasa kissaatigaat.

Tusarniaaneq

Inatsisisstatut siunnersuut manna Naalakkersuisut tusarniaassutigisimannilaat makku tunngavigalugit:

Allannguut annikitsuararsuummat malunnaatilimmik aningaasatigut kinguneqarnavianngimmat, kiisalu siunnersuutigineqartumi ilanngaanneqaratik annertunerusumik aningaasarsiaqalernissaannik innuttaasut pineqartut kisimik iluaquserneqarlutik pensionisiamik saniatigut amerlanerusunik isertitaqartarnissamut periarfissinneqarnissaat pissutigalugu siunnersuutigineqartoq tusarniaassutigineqarsimannilaq.

.

Inatsisisstatut siunnersuutigineqartup akuerineqannginnerani tamanut tusarniaassutigineqarsimanera aallaavagineqartoq ataatsimiititaliamit maluginiarneqarpoq, inatsisisstatulli siunnersuutip matuma tusarniaassutigineqarnerani Naalakkersuisut naliliinerannut oqaaseqaatissaqarai.

Ataatsimiititaliap siunnersummik suliarinninnera

Isumaliutissiisummik matuminnga suliaqarnermini inatsisisstatut siunnersuutigineqartumi 2022-imut upernaakkut ataatsimiinnermi allannguutissatut siunnersuutip akuerineqareersup ilusiligaanerata iluarsiivigineqarsimanera ataatsimiititaliamit sammineqarpoq, taamaattumillu UPA/22, imm. 25-imut isumaliutissiissut ilassutitullu iumaliutissiissut innersuussutigalugit.

Siusinaartumik pensionisialinnut tunngasoq pingaaruteqartoq, matumanilu qulakkeerneqassasoq naalakkersuinikkut suliaqarnermi pingaarnersiuinerit siusinaartumik pensionisiallit atugaannut tunngasut tamarmik pitsaanerulernissaannut eqqarsaatigineqartut piviusunngortinnejarnissaat qulakkeerneqartariaqartoq ataatsimiititaliaq isumaqarpoq.

Taamaattumik siusinaartumik pensionisiaqalernissamut piumasaqaatinut tunngatillugu malittarisassat misissorneqarsinnaaneri, imaluunniit siusinaartumik pensionisiallip isertitai allat ilanngaaserneqarnissaannut malittarisassat imaluunniit pineqartup aappaata isertitai naliliivigineqarsinnaanerat ataatsimiititaliamit tunuarsimaarfingineqanngilaq.

Suliamili matumani ataatsimut naliliisoqartariaqarpoq, matumani ilanngullugit suliffissarsiortunut ikorsiissutit, pisortanit ikorsiissutit aamma ineqarnermut tapiissutit pillugit malittarisassat Naalakkersuisut nalilersuinermanni inatsisit 2022-im i upernaakkut ataatsimiinnermi akuerineqartut qanoq ataqtigiinnerat apeqqutaatillugu.

Siunnersuutigineqartup matuma ilusiligaanerata 2022-imut aningaasanut inatsisisstatut siunnersummut isumaqatigiinniarnermiit suliniutissatut naalakkersuinikkut suliaqartunit akuerineqartut piviusunngortinnejareersimasut iluarsineqarnissaat pineqarmata, inatsisisstatut siunnersummut matumunnga Inuussutissarsiornermut Aatsitassanullu Ataatsimiititaliap oqaaseqaateqarnissaa pisariaaruttoq ataatsimiititaliaq isumaqarpoq.

Siunnersuutip aningaasatigut kingunerisassai

Siunnersuutip piviusunngortinnejarnissaanut aningaasatigut kingunerisassai siunnersummut nalinginnaasumik oqaaseqaatini allaaserineqareerput. Tassani allassimavoq aningaasartuutit 2022-mi aningaasaqarnermut inatsimmi atugassatut immikkoortinnejartut 15 mio. kr.-it aamma 2023- imiit ukiumut 30 mio. kr.-it iluanni matussuserneqarsinnaasut, taamaattumillu siunnersuutip aningaasartuutaanissaa ilimagineqanngitsoq.

Saqqummiunneqartut tunngavigalugit ataatsimiititaliaq isumaqarpoq allatut naliliinissamut tunngavissaqaqanngitsoq. Taamaalilluni apeqqut pineqartoq peqqissaarullugu Naalakkersuisut misissorsimassagaat ataatsimiititaliamit tatigineqarpoq, aningaasatigullu allanik kinguneqaateqarnavianngitsoq. Siunnersuut naatsorsuutiginngisamik pisortat karsiannut aningaasartuuteqarfianissaanik kinguneqassagaluarpat aningaasartuutit pineqartut aningaasaliissutaareersut iluini matussuserneqarsinnaapput, taamaattoqassagaluarpat suliniutit allat annikillisinneqarnerannik kinguneqassaaq.

Ataatsimiititaliap inassuteqaatai


Ikinnerussuteqarluni oqaaseqartoq Demokraatineersoq ima oqaaseqaateqarpoq

Demokraatit siunnersuut aallaavia upernaakkut ataatsimiinitsinni taaseqataaffiginngilaat. Unali siunnersuut tunngaviusumik teknikkikkut aaqqiissutaanartut iluarsiissutaammat tamanna akuersaarlugu oqaatigissavarput, iluarisimaarinnillatalu siusinaartumik pensionisiallit kinguneqartitsisussaangitsumik, annertunerusumik isertitaqarsinnaanissaannut periarfissaqalermata, naak upernaammi inatsisisstatut allannguutit imm. 25-mi ataatsimoortinneqarlutik suliarineqarnerani itigartitsissutigisimagaluarlutigit. Aqqiissummi uani kissaatigisimagaluarpagut misissorneqassasoq killilersugaangitsumik isertitaqarnissamut aqqutit, tamannalu amerlanerussuteqartunit aqqutissaasimanngilaq.


Demokraatinuit upernaarli oqariartuitigaarput kukkanngutaaqarnissat pinaveersaartinniarlugit paasisutissat utoqqarnut tunngasut siusinaartumillu pensionisiallinut tunngasut, suliassaqarfianni misissuinerit naammasseqqaarneqartariaqartut. Maannalu takusinnaalerparput kukkanngutaaqarnut puttussuuttut, kinguneraalu allaffissornikkut aaqqissueeqqinnerit pisariaqalernerannik. Tamanna uggornarpoq. Taamatut naatsumik oqaasertaliilluta oqaatigissavarput una aaqqiissut pinngitsoorani eqqortumik atuuffeqartussaammat, taaseqataaffigissagatsigu.

Tamatuma kingorna ataatsimiititaliap isumaqatigiittup siunnersuut akuerineqassasoq inassutigaa.


Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.



Mala Høy Kuko
Siulittaasoq



Anna Wangenheim
Siulittaasup tullia



Hans Peter Poulsen




Dines Mikaelsen



Mikivsuk Thomassen



Eqaluk Høegh



Paneeraq Olsen